

**HERCULES
XENOPHONTIUS, AD
ILLUSTRISSIMUM
PRINCIPEM AC
DOMINUM, D...**

Johann Weizer



ILLVSTRISSIMO
PRINCIPI AC DOMINO, D.
CHRISTIANO DVCI SAXONIAE,
*Landgrauio Thuringia; Marchioni Misnia,
Burggrauio Magdeburgensi,*

ILLVSTRISSIMI PRINCIPIS AC
DOMINI, D. AVGVSTI, DVCIS SAXO-
*nia, Sacri Romani Imperij Electoris, & Ar-
chimarschalli Filio.*



*Udamus Andino modulata poemata
plectro,
Quae luctum referunt Amphitry-
oniade,
Cum, residens patulae lauri, dubitaret, in umbra,
Fortis an hic heros, deses an esse ve lit?
Dux generose tibi, magnorum sanguine regum
Edite, Saxonica summa columna domus:
Magne puer, patri AVGVSTO MATRIq; sere
Vnica stirps sexu de meliore super. (nae
Non ego quod normam & leges praescribere, Vita
Qua ratione tibi sit peragenda, velim.
Id patris & patruum Virtus, Laus, Gloria, Fama,
Id genitrix, pater id matris, & alter auus,
Id faciet longo rerum prudentior usu
VOGELIVS, Baldi cura decusq; sui.
Grande*

Grande nec vt doctis (absit procul) artibus inter
Egregios possim nomen habere viros.
Nam mihi si, nisi quæ de carmine venerit isto,
Gloria nulla foret, gloria nulla foret.
Tu sed ad Herculeos cùm iam propè veneris annos,
Certaq; virtutis des documenta tuæ:
Carminè, (sed rectè, neq; forsitan illud ineptè)
Dux volui studium Magnè probare tuum.
Suscipe sic igitur: largi licet indiga cultus,
Sunt tamen atati non aliena tuæ.
(Vilia sunt fateor: sed & alti rector Olympi
Pauperis agricolæ vilia dona probat.)
Meq; tuum, supplex rogo, tueare clientem,
Quem vocat à studijs fors inimica bonis.
Nec versus patitur dulces componere, dulcè
Quæso, suum caneret Sisyphus inter opus?
Da mihi Virgilium, & tantos iniunge labores,
Amittet vires protinus ille suas.
Adle quòd Inuidia nigris petor undiq; telis,
Barbarus ingenijs liuor obesse solet.
Auxiliare meis igitur DVX inclyte Musis,
Certè patrono deficiente cadent.
Non ego diuitias, non fulua talenta requiro,
Non etiam culti iugera lata soli.
Es satis est modicum, paruos celebrare penates
Est satis, & modico pane leuare famem.

Quàm iuuat horriferos Euros audire, librosq;
Argutos tremula euoluïſſe manu:
Aut celebres virtute viros audire docentes,
Cum gelidas præceps fuderit Auſter aquas:
Flumineaq; ſacrum meditari carmen in vmbra,
Albidos ad vitreas prætereuntis aquas:
Hoc volo: ſit diues, pluuias quicunq; moleſtas
Ferre poteſt, rigidas Oceaniq; minas.
Hoc potes, atq; dabis, nam te natura potentem
Finxit, & ingenijs Ingenioſe faues.
Alcides habuit communia templa Camænis:
Vt iunet Aoniſdas cura ſit vna Duci.

T. C.

Humiliter de-
ditus.

Ioannes VVeizgerus
Dreſdenſis.

HERCULES XENOPHONTIVS.



Ereras, & virides turgebant cortice gem-
ma;

Surgebant nitida fruges, ramiq; virebant
Arboribus, lata alitibus virgulia caneant,

Terraq; fundebat viridantes dedala flores,

In campis pueri teneri innuptaq; puella

Mulcebant liquidis puras concentibus auras.

Tunc satius Almena, cui iusta adoleuerat etas,

(Prima genas molli vestibat flore iuuentus,

Iamq; puer poterat, poterat iuuenisq; videri,

Et poterat laudes Heroum, & facta parentum

Iam legere, & quid sit per se cognoscere virtus:)

Ibat in antiquam syluam, ducebat in urbem

Qua via nulla homines, viridig; sedebat in herba,

Inter Apollinea frondes lauri, unde supernè

Vertice cliuosi lenissima tramitis unda

Defluit, atq; cadens suauem per ranca susurrum

Saxa ciet, lauro cinctum est latus omne virente,

Et multum dubio voluebat pectore secum

Euentus vite varios, variosq; labores,

Num virtute sibi eximia memorabile nomen

Querat, & exornet sacris praestantibus orbem,

Frigora nec Cauri metuat, rapidosq; calores

Solis, & haud unquam sudori parcat anhelu,

Amphitryoniaden ne fama obscura recondat,

Sera sed ut possit volitare per ora virorum,

Atq; vehi multa quondam super aethera laude:

An velit hic inter luxus, atq; ocia pigra,

Deliciasq; orbis suauem deducere vitam.

Ac veluti ventis discordibus acta carina,
Impete iam subito septem subiecta Trioni
Regna petit, radijs iam subdita cernit Eois,
Iam subit Hesperiam, pluuium iam currit ad Austrum,
Quò ruat, incertum est, nec quid fugiat'ne, petat'ne,
Rektor habet: quid agat sic hic non inuenit, atq;
Alternante anima nunc huc nunc fluctuat illuc.
Interea media puero sese obuia sylua
Ecce puellarum duo corpora pulchra tulere,
Maiora humana specie, quæ dicere possis
Iurè Deas, aut Nympharum Phæbiæ sorores.
Alierius simplex habitus, non vertice odorem
Spirabat Myrrha, nam frons cinctoria habebat
Gemmae, non digitos Adamas, non guttura torques,
Non armilla manus, non serica flammea frontem
Ornabant, laqueos non vesti intexerat alba,
Non latius hinc atq; hinc meretricum more mouebat.
Ex ipso apparet diuina Modestia gressu.
Fastus erat procul, in terram sua lumina prona
Figebat, Pudor & Pietas è fronte micabant,
Et placidi (Nympha decora ô insignia) mores.
Vtq; rubet Veneris si flos natet albus Iaccho
Purpureo, tales dabat ore puella colores.
Alicra sed, iuueni ut posset formosa videri,
Culta aderat nimium, tota ostro auroq; rigeat.
Aurea vestis erat, quam circum limbus obibat
Aureus, hanc illi male suada Superbia quondam
Fecerat, atq; plicas rutilo disereuerat auro
Latius ut seq; in partes extenderet omnes,
Scirpiculum insuerat tunica, laqueosq; rotundos,
Aures bacca leuis, gemmata monilia pingue
Pectus, ceruicemq; albam, collumq; coronant

Arte latus torquet, partes tergiq; remotas
Hinc atq; hinc vibrat, scopis post terga ligatis
Latam emundaret, scopis res digna, plateam.
Lunula, baccatumq; auro, gemmisq; monile
Ornabant caput, & nigra bysso flammea crines
(Turpe) peregrinos rutilanti innexerat auro.
Cingebat digitos Adamas, viridusq; Smaragdus,
Armillaq; manus: at mamillare tegebat
Pectus inauratum, & turgens pulvinulus, aptè
Cingebat strophium hæc tenui de vellere textum,
Vellere quod molli depectant stapite feres,
Distenta speciem ferrent utring; papilla
Montis, verticibus qui surgit ad astra duobus.
Serica stringebat spaciosum Zonula ventrem,
Aurea cui spina, & bullarum argenteus ordo.
Sandalijs lenta incedit, cervice reflexa
Nunc huc, nunc illuc, & retrò spectat & antè,
Non secus ac summas numeraret in arbore frondes,
Vndiq; vel dederat tellus quot Dadala flores.
Nunc etiam tremulam miratur corporis umbram,
Et gradibus fauet ipsa suis, motuq; procaci:
Ex ipso apparet ventosa Superbia gressu.
Aspicit hinc illinc, num sylvas inter & herbas
Miretur quisquam gradientem, num quis euntis
Incessum obseruet bellum, moresq; venustos,
Fucatasq; genas, capitūq; comæq; decorem,
Et vestes fluidas, & mamillare iugosum.
Hæc puero prior accelerans, ita sarier insit.

O formose puer, quid in his tibi saltibus optas?
Quis furor hic, dilecte puer, consumere curis
Vitam? quid dubiam vexat sententia mentem,
Quo tibi sis potius currendum tramite? quis nam

Reclā

Recta tibi tradet, quæso, documenta sub ista
Arbore? num frondes, an flumina muta, vel herba?
Surge age, me sequere, & facili te tramite sistam:
Me duce non duros unquam experiere labores,
Non res suavis erit, qua non pottere, rogabis
Quod modò cunq; ferēs, dabo melles, viuere secla,
Efficiam potsis dignam Dīs degere vitam.
Non tibi delicias suanes, non dulcia amoris
Gaudia turbabit luctus, non buccina somnos
Abrumpet trepidos, non tela facesq; timebis,
Æstusq;, pluiasq;, & agentes frigora ventos.
Bella gerant alij, gerere est quis bella voluptas,
Et quos insanire iuuat, membrisq; nouerca
Sunt iniusta suis, tibi luxus inter amanos
Deliciasq;, breuis decurrit temporis atas.
Sit tibi picta auro, & fulgenti murice vestis:
Regali accumbas mensa, conuiuia luxu
Regifico medijs sub tectis lauta parentur,
Det manibus cristallus aquas, stet Bacchus in auro:
Indulge genio, crateras verte capaces,
Turba, tui similis, lateri sis turba sodalis,
Qua tibi sollicitas auertat pectore curas,
Atq; hilaris tecum conuiuia mutua curet.
Adsit & argutas docto qua pollice chordas
Tangat, & associet vocalia carmina neruis,
Et salibus breuiet iucundis tempora Virgo.
At non atherios tractus, non sydera cæli
Fulgida, non pluuijs Hyadum cur ortus abundet,
Cynthia cur radijs Phœbi perculsa nite scat,
Cur noctes cessent hyberno tempore longa:
Non quoq; defectus Luna, solisq; latebras,
Delia cur terra tenebrosas currat in umbras,

Quid

Quid tegat obscurum picea ferrugine solem,
Personet, Idaliꝝ sed grata Cupidinis arma,
Arcumqꝫ pharetramqꝫ; & non immitia bella.
Summus vs ille Deũ croceo nitidissimus imbre
Fluxerit in gremium Danæes: & quomodo pennis
Tectus olorinis Ladam deceiverit ales:
Europam vs specie tauri deluserit albi:
Vt sint Lemniacis Mars. & Cytherea catenis
Elusi, & facti spacioſo fabula cælo
Illa canat, plaudant ſocj, cantusqꝫ ſequantur,
Grandiaqꝫ ad numeros lati Carchesia ducant,
Ad coruos abeat voces qui protulit illas:
Dum ſitis vris adhuc gratum deponere Falernum.
Hic mihi natura male conſuluiſſe videtur.
Vos cū inuectus equis altum petit æthera, vos cū
Occiduum Heſperio tingit iubar aquore Phæbus
Potantes videat, pudor hic ſuccumbere quenguam,
Ventriculi parui, cupidis qui pocula buccis
Sena quater neſcit ſuper vnum ducere cœnam,
O ſimplex nimium, & priuandus lumine viſa,
Eſſe ſuum Dominum qui vinum ſcripſerit, aut qui
Clam ſe ſubducens ſocios rellinquit ouantes.
Hoc virtutis opus potando cedere nulli,
Euacuare cados quotquot tibi quiſqꝫ propinat.
Ergo age care puer viſ fortis & acer haberi?
Viſ tibi Bacchus ſaueat, bibuliqꝫ ſodales
Laude per aſtra ſerant? potando decipe nullum:
Exhauri cyathos, exhaustos proſce in altum,
Et famulum increpitans inſundere vina iubeto.
Nec tacitus ſedeas, tremulo concuſſa cachynnet
Tota domus riſu, longa reboentqꝫ platea,
Iubilqꝫ, & cantus animi certiffima lati

Argumenta sonent, pulchras nec abesse puellas.
Iustum erit, amplexus illis & dulcia libes.
Oscula, nec veneres lepidas, blandasq; choreas
Despice, sed socios atq; inter pocula letus
Scamna per & mensas atq; ipsa per atria salta,
Tympanaq; & bifori cura sit tibia cantu.
Et iucundus odor Myrrha, viridesq; corona,
Vestis acn picta, & cum pectine spongia eburno.
Annulus articulos stringat, gemmaq; micantes,
Eoq; manius rubra lecta corallia Ponto.
Sic lepidis fies discordia magna puellis.
Cui non mundities placeat? qua dixerit illam
Esse odio dignam, cum porcis exigit annos.
Nescit & illa mihi, hac pulcherrima fabrica rerum
Vnde habeat nomen, quam mundum nominamus.
Ne tibi sit speculum tecum gestare politum,
Et crebro inspexisse pudor: pudor utilis ille
Nequaquam esse potest: aciem speculum omne retusam.
Luminis exacuit, lapsosq; instaurat ocellos.
Sola nec hac, maiora tibi sed commoda praestat.
Intuitus speculi: nam si te videris esse
Formosum, velut es, formam nulli esse perennem,
Nec tibi perpetuos vitam producere in annos
Esse datum, & lethi te iura manere monebit.
Ergo dum superas iucundè corpora cura,
Sive lateat, nitida seu sol face lustrat Olympum,
Ac roseus fessos cum gurgite tingit Ibero
Phœbus equos, lucem & subiecto detrahit orbi,
Tunc ades demum resonent clamore, nec ante
Quam ferat auroram Matuta per atheris oras,
Primus equis oriens potantesq; afflet anhelis,
Ebria languidulum carpat per membra soporem.

Nec

*Nec tibi, cum mollis deuinxit membra sopore
 Somnus, & optatam corpus trahit omne quietem,
 Excrucient pectus cura, vigilesq; dolores,
 Atq; metus turpis, multorum causa malorum.
 Vah valeat, prodesse homini qui dicit obeso,
 Esse animo interdum mæsto, & trepidare timore,
 Voluerę, anxiferos curarum in pectore fluctus:
 Anius à veri quàm longè calle vagatur?
 Frigida sollicita comes est formidinis aura,
 Et corpus pallere facit, gelidumq; tremorem
 Inducit membris, miserè qui concutit artus.
 Infringit linguam, & vocem, viresq; resoluit.
 Concidere ex gelido multos quoq; sapè timore
 Vidimus, & citò vitalem deperdere sensum.
 Ergo procul remoue luctus, curasq; molestas,
 Ac tibi ne vacuum suspiria mæsta cubile
 Et gemitus moueat tristes, virgo accubet vnà.
 (Sed non quam thalami sociens tibi vincla iugalis,
 Semper enim nectit lites & iurgia coniunx.)
 Quæ ferat amplexus atq; oscula dulcia figat.
 Te nec ego lassum inbeo turbare quietem,
 Si nondum auricomi radiantia lumina Solis
 Exeruerè iubar, vel vbi vix aureus ortus
 Cynthius extulerit, satius si strata relinquis,
 Cum medium cæli Phaëton conscenderit orbem
 Igneus, in mensam coniectaq; quadra sonabit:
 Mollibus è lectis tunc te citò proripe, ventis
 Ocior, atq; hesternæ iterum conuiuia quære.
 Quid trepidus, formose puer, quid corde reuoluis?
 Nam metuis tibi ne minuat penuria census?
 Aut tibi ne noceat paupertas dura? sed istos
 Excute corde metus, res vanum habet ista timorem.*

Conquisita diu magnoq; reperta labore
Alterius, veluti proprio sudore parata
Sint tibi, consumes, facies quodcunq; placebit.
Nec te ius rigidum, aut leges cohibere valebunt.
Lex & ius valeat: ferus est iura arcta Tyrannus,
Carcer & iniustus: Leges insana rogauit
Cura hominum, quicquid natura benigna remittit
Lex prohibet: Nihil est natura preside turpe,
Stulta operum certos distinxit opinio fines.
O fatui, decreta timent quicunq; maligna
Quod natura iubet, quod suadet, iusq; piusq; est,
Non dilecte puer, modo si mandata capeesses
Nostra ubi obstabunt leges, aut inuida iura,
Non deerunt sumptus tibi, non occasio, sensu
Tu modò qua dixi (res ò incunda) reponas.
Vtere dum licitum est aui florentibus annis,
Lude, vora, Venerem, madidum sectare Lyaum.
Virtuti studuisse, modum seruare pudicè
Vinere, verba sono mihi sunt inimica vel ipso.
O stolidus nimium, & sensus deperditus omnes,
Qui, dum fata anniq; sinunt, non tractat amores,
Quiq; leuem, primo dum vernat flore iuuenta,
Virtutem affectans, & gloriam honoris inanem,
In curis virides consumit inanibus annos.
Attenuat vigilans vehèmenter corpora cura,
Et placidos prohibet per noctem ducere somnos,
Exhaurit vires, febresq; accendit anhelas.
Quid? quòd morborum producat mille figuras?
Quod sensum impedias, mentemq; obnubilet altam?
Ingenij claras quòd cogat hebescere vires?
Adde quòd hac multis vitai vincla resoluist,
Et iubet ante diem, tristes migrare sub umbris,
Deliciasq;

Deliciasq; iocosq; & gaudia linqere mundi.
Felix qui laevis deducit tempora vita.
Excitat innatos hominum mens lata calores,
Spirituum tenues purgatq; & temperat auras,
Hac dat homo ut longum iuuenilibus integer annis
Floreat, & serò crudelibus occubet umbrù.
Ingenij vires acuit, sensusq; serenat,
Muniatq; ad quauis hominem magis efficit aptum.
Felix, qui Bromium nouit, veneremq; iocosam.
Illum non rigidi Martis furor anxius, illum
Non fragor armorum terret, non Martia somnos
Classica pulsa fugant, metuit nec tela, nec hostes,
Tartara nec ficta, ementitaq; flumina Ditis.
Styx, Acheron, Lethe, Phlegethon, Cocytus, Auernus,
Cerberus, Eumenides, Hecate, Proserpina, Minos,
Pluto, Charon, durus Radamanthus, & Aeacus asper,
Nomina sunt, tantum stolidas terrentia gentes,
Hec neq; sunt vsquam, sed sunt deliria vatum,
Vna quibus cura est, homines his fallere technis.
Crede mihi, quacunq; illi nugantur Auerno
De vasto, Stygia nigrisq; paludibus aula,
Hac sunt in vita, miseris mortalibus omnia.
Nec, velut est fama, AEolides Acheronte profundo
Saxum ingens sudans voluit, neq; proficit hilum.
Quin magis in vita duros perferre labores,
Et tamen incassum, nec pramia ferre petita,
(Gloria non vlli neq; fama labore paratur.)
Hoc est aduerso monte ingens trudere saxum,
Quod tamen attigerit, si summa cacumina rursum
Voluatur, planosq; petat rapido impete campos.
Nec Tityo blanda per regna carentia luce
Immortale iecur rostro exest vultur obunco

*Sed quem continuae, atheria dum vescitur aura,
Et gelido nondum sua tradidit ossa sepulchro,
Cura dilaniant, atq. anxius exedit angor,
Huic epulis avidus rimatur viscera vultur.
Quod magno ingenium & virtus coniuncta periclo est,
Et fœdè intereant quos doctrina euehit ardens,
Debita Salmonæ poterit te pœna docere,
Ars sua quem dedit exitiò, ingeniumq. peritum,
Quis sibi diuorum demens poscebat honorem,
Alia viris etenim est innata superbia doctis,
Ingenijsq. suis famulari ipsa athera iactant.
Inachidas porro tristes Acherontis ad undas
Quod memorant laticem pertuso infundere vasi,
Quod tamen haud possit ratione explieri vlla,
Egregiè monstrat, quàm sit labor omnis inanis.
Nam quicumq. urget sua membra laboribus, omnem
Conatum rapidos in ventos fundit; & undam
Inachidum exemplo rimosum congerit in vas.
Quid multa? anxifera cura, sauiq. labores,
Sunt dira Enmenides, & Tartara gaudij egena,
Et domus absq. die, & saxi reuolubile pondus.
Suauiter at blanda consumere tempora vita,
Semotis animi curis, turpiq. labore,
Inter & amplexus, & basia lata puella
Ingentes calices, & pocula ducere plena,
Hoc est elysias valles, & odora vireta
Fortunatorum nemorum, sedesq. nitentes
Incolere, Ambrosiaq. & dulci nectare pasci.
Felix o. felix igitur, qui nostra secutus
Iussa, magis Phœbi Coryna inrâ, relegat
Luctificas curas procul, anxiferosq. dolores,
Et, nisi quod suauis est, supera dum viuunt in ora,*

Nil

Nil agit, inq̃ diem viuit, neq̃ crastina curat.
Ah pereat, pereat, nimium cui crastina cura.
Falle diem, misera medio nam limite vita
Ators truculenta venit, soluens risusq̃ iocosq̃
Nec, cū decurso fatalis lumine vita
In tenues fugientem animam exhalaueris auras;
Frigidaq̃, æternum contexerit ossa sepulchrum,
Vltcrius sensus mulcebit opima Voluptas.

Sic virgo: Alcmena contra sic filius orsus:
Dic quā te esse ferā tandem pulcherrima virgo.
Non tibi vultus enim est hominis, neq̃ gressus, & ipsa
Vox nihil humani sonuit: quo sanguine creta es?
Nomina quaq̃ tibi lati tribuere parentes?
Ignotam nemo iuuenum prægestis amare.

Risit, & Herculos onerans ceruice lacertos:
Aureola, collumq̃, notans liuore genasq̃,
Basiola inseruit laciua sine ordine raptim,
Atq̃ venenato contra sic ore locuta est.
Omne bonum Inuidia stimulis agitur iniquis,
Infamatq̃, bonas hominum mala lingua puellas:
Nec mihi idem fieret? SOCORDIA nominor hosti;
Cum tamen haud faciam socordes, scilicet illi
Qui mea castra incunt, vigiles alacresq̃ videntur.
PROSPERITAS dicor socijs, & blanda VOLV.
Me cupidi observant superi, numerusq̃ Dearū (PTAS.
Dignantur, nec me mortalia pectora spernunt,
Me grauium veneranda senum, iuuenumq̃ corona,
Me pueri teneri, matres, hilaresq̃ puella
Vnanimis æquo ore canunt, laudantq̃ petuntq̃.
Sum Dea, qua Phæbum Macareidos igne flagentem.
Admeti niueas inssi pauisse iuuenas,
Sum Dea, quæ summum cæli terraq̃ parentem.

Nunc

Nunc aquile pennas, nunc sumere bina coëgi
Cornua, nunc verti in cultum faciemq; Diuæ.

Hac vice sermonum veniebat & altera, nomen
Aurea cui VIRTUS dederat, iungensq; serena
Cum gravitate decus, pueroq; propinquius astant
Sydereos deicella oculos ita voce profatur.
O clare Alcide, genus alto à sanguine regum,
Digne puer cælo; sed humo quoq; digne morari,
O puer insigni decorans virtute parentes;
Et cæli magnum quondam ornatu re Senatium,
Stemmata clara tui generis mihi nota, nec alium
Me latet ingenium, & puero digni Hercule mores:
Nec dubito mea si vestigia rite sequeris,
Quin olim poteris volitare per ora virorum,
Atq; tibi nomen famamq; parare perennem,
Res magnas gerere, & meritam portare coronam,
Atq; vehi tandem digna super aethera laude.
Hinc mihi maior honos ibit, solidaq; locabor
Sede iterum, & clarum per secula nomen habebo.
Sed quid ego hæc autem? Non huc te carmine mûlto,
Atq; per ambages, aut longa exorsa morabor.
Multa loquens quoniam mendacia plurima dicit.
Nec tibi verba dabo: neq; enim quia cingor amictu
Vili, nec gemmis vestes ostroq; superbo
Sunt intertexa, nec spiro vertice Atyrham,
Nec digitos Adamas ornat, nec colla Smaragdus,
Falsa tibi dicam, mendaciaq; improba spargam.
Sape sub exigua latitat sapientia palla.
Quare agendum nostra que sit sententia mensis
Expediam, & paucis dictis te præbe benignum.
Non homines alto voluit torpere veterno,
Nec facilem in terris diuûm pater atq; hominum Rex
Iupiter

Iupiter esse viam voluit, labor omnibus acris
Est impendendus, vendit bona cuncta labore
Solerte, & curis acuit mortalia corda
Mentior, è superùm fulgenti sede trisulco
Iupiter infernas adigat me fulmine ad umbras.
Certa viros nunquam comitatur gloria pigros.
Si tibi propitium cupis atheris esse parentem,
Disce timere Deum, illiusq; facessere iussa,
Et vitula facias, & templum thure vapores
Sapius, accumulesq; oneratis lancibus aras.
Si tibi terrestrium vis conciliare favorem
Efficere hoc decet officijs, meritisq; benignijs.
Sin te vis celebri ciues venerentur honore,
Et tibi praeclaras decernat Achaia laudes,
Sydera; ingentem te omnes super aurea Graj
Extollant, & vera tibi praconia cantent,
Pro Danaïs belli caput obiectare periclis,
Ac patriam virtute tua defendere terram
Fas erit, & nullam subterfugisse laborem.
Vis ne tibi molli campis flavescat arista,
Frumenta in viridi ut stipula latentia cernas,
Nec fruges inter spinis paliurus acutis
Surgat, & infelix lolium, lappa; tenaces,
Aut segnis sterili ne carduus horreat agro
Vnde tibi metuenda fames, & turpis egestas?
Non valido pudeat ferro molirier arua,
Vertereq; impulso sacundas vomere glebas.
Sunt tua vota, errent patrijs ut montibus agna
Innumera, multa; boues, multa; capella
Ne tibi lac astu, medio neq; frigore desit,
Pasce boues, tenerasq; agnas, simasq; capellas.
Sic qui vult solida ingenij clarescere laude

Curia ut hunc poscat regum, sit cura ducumq;
 Dulcibus infundat studijs, seu Cynthius orbem
 Illustrat radijs, seu nox terra incubat atra.
 Non decet ignaum per totam stertere noctem,
 Nobilis Aonia petitur cui fama corona.
 Eximiam queris laudem tibi Marte parare?
 Militia puer assuescas tolerare magistrum,
 Illius & primis facta admireris ab annis.
 Post ubi robustus adolēris viribus aetas,
 Aggredere insignes, vera virtutis, honores.
 Multa patris virtus animo, multumq; recuset
 Nomen aui, moueat pulchra te forma iuuenta,
 Gravior est pulchro veniens e corpore virtus.
 In medius acies campo tete arduus infer,
 Sterne viam clara medios virtute per hostes,
 Quā via non vlla est: poteris, quia posse videris,
 In cunis geminos infans cum presseris angues.
 Sis fortis, vita nec sit tibi parcere cura,
 Dummodò libertas patriae seruetur, & hostem
 Magnifico princeps currius agat ante triumpho.
 Olli subridens nasuta Ignauia verbis
 Sic interpellat: Sentis, pulcherrime rerum,
 Quam tibi difficilem saxis spinisq; refertam
 Ista viam mōstret mulier, qua ducat ad astra?
 Ah subeunda forent tibi quanta pericula, dura
 Saxeae virtutis iuga, si conscendere velles?
 Ah quoties nincum turparent frigora corpus?
 Ah teneras quoties plantas malē spina secaret?
 Nam sua ubi posuit male suada cubilia VIRTUS,
 Vndiq; vulnifica spina, vepresq; resurgunt.
 Cura dolorq; vigil, mæror, labor anxius, angor,
 Prærupti seruant saxosa cacumina montis,

Vt paucis colles detur superare ingostas,
Scrupea virtutisq; ascendere tellus maligna,
Et licet ascendant loca facta labore furente,
Virtutemq; ipsam manibus contingere possint,
In caput, inq; humeros tamen hos deturbat ab alto
Vertice precipites, ut fracto gutture amaram
Magno indignantes ponant cum murmure vitam,
Et nequeant fructus exhausti ferre laboris.
Magna molis erit virtute extendere famam.
Me potius sequere; est levis mea semita, nullis
Euincenda malis, facilis descensus ad aulam
Est nostram, nulla sentes remorantur euntem.
Vestibulum ante ipsum posuit tentoria Bacchus,
Et lata Ebrietas, luxusq; & gaudia longa:
Hic iuuenum series ludit, potatq; voratq;
In foribus stabulat summo tone nata Dione,
Quam circum volitant ioca lata, & gratia triplex,
Tum comiti iuuenes, non incomptae puella
Ad Cithara ducunt resonantia fila choreas.
His sese immiscet, pharetra succinctus & arcu,
Blandus amor, requies cæli terræq; voluptas,
Aurea qui fulua depromens tela pheretrix,
Dum petulante gradu partes excurrit in omnes,
Vulnerat & molli iuuenes accendit amore,
Et teneras blando succendit amore puellas.
Hic alius leto sermone moratur amicam,
Seria nequitijs dum miscet multa iocosis,
Qua teneros possint domina mouisse cachynnos:
Virgine hic stringit candentia colla lacertis,
Iungit & os ori, atq; occulto saucius igne
Ingemit, & domina limis arridet ocellis.
Hic Cyathi, geminos hic alea iungit amantes.

*Asit ubi iam nostra ventum penetralia sedis
In media, aspiciat solio sublimis in aureo,
Quam circum Myrthi Pax fronde reuincta capillos,
Tuta quiesq; animi, & nitidis Concordia pennis,
Blanditiæq; leues, lusus, dulcesq; cachynni,
Iubila, nequitia, oculisq; loquacibus, vda
Bassa inauratam ducunt per gramina Pompam,
Qua pede concubitus auido amplexusq; sequuntur.
Hic plenis demum pandunt se gaudia velis.
Huc igitur propera celeri puer optime passu,
Præuia te ducam, ne tramite forsan aberres
Tu modò non dubijs ducentem passibus aqua.*

*Talia iactantem non pertulit inclita virtus,
Iraq; acta graui, contra sic ora resoluit:
O genus inuisum superis, quid pessima narras
Bestia? deliciae quæ sunt tibi? quid tibi tandem
Vana boni? qui sic fallax mendacia fingis?
Ingeris antè auido potumq; cibosq; palato,
Quam sitis aut iucunda fames tibi torqueat ora:
Arte facis, sapiant ut non malè fercula, vinum
Arte facis, sapiat non ut malè: tempore brumæ
Vndiq; comportas glaciem, cellaq; recondis
Ut, Canis ardentes cùm Syrius urat aristas,
Frigida vina sitim tibi ledant, utq; calore
Languida Phœbæo glacie recreare niuali
Membra queas: suauem ut capias secura quietem,
Picturus inextilibus iactaris & Ostro:
Corpora das lecto, non ut defessa labore
Assiduò retrees, sed ut ocia segnia fallas.
Iura nihil metuis, nil curas vincula legum:
Spurca Venus turpem tibi versat in ossibus ignem,
Nec, nisi furtiuum, quenquam meditaris amorem*

Iniectasq;

Inceſſasq; faces inconceſſosq; Hymenaeos.
Tu cūm præcipitat cælo nox humida, tu cūm
Sonnus habet terras animalia ſeſſa per omnes,
Euacuas demum Cyathos, & pocula ſiccas:
Atq; alij placidum ne poſſint ducere ſomnum
Noctē boas, late resonant platea ululatu.
Egregiam verò laudem & memorabile factum.
In ſeros iuuenis vitam produceret annos,
Munere ſi Bromj ſciret moderantiſ vti.
Ebrietas damnum, quo vix crudeliſ ullum.
Nominis vt taceam, quàm ſædè obſuſcet honorem,
Immodici quantum vehemens violentia Bacchi
Corporibuſq; animiſq; nocet? præſtantis acumen
Obruit ingenij, Lethæa obliuia rerum
Mentibus inducit, ſenſus diſturbat & aufert.
Exprimit hac, vnaſ vehit humida præla recentes,
Ipfæ iuuentutis ſuccos, habilemq; vigorem
Corporis eneruat, grauitateq; membra fatigat.
Hac iuuenile perit, forma decus omne niſentis:
Vidiſtin' iuuenes auo florente Charontem
Terribili ſqualore tetrūmq; referre cadauer?
Scilicet hæc exhausta ferunt Carcheſia meſſes.
Indè tot infeſtant corpus nocumenta, tot inde
Lethiſeri affligunt ſtomachumq; caputq; dolores:
Hinc venit ille tremor manuum ſtringenſq; chiragra
Articulos, hinc ora modis pallentia miris.
Quid? quod diluuium veluti liquefacta Pyrene
Mitteret, huberibus ſlent rubra hinc lumina guttis.
Hac frontem inſormem rugis arat, impete vaſto
Protruit hinc ſcabies, & corporis hucera ſæda:

Quid loquar, ut nimio persusum tempora vino
 Eumenidum, Lemurumq; cohors, atq; horrida spectra
 Horrifico exturbent languentes nocte sopore?
 Hinc sauiam manè exhalant olida ora Atephitima.
 Ante diem multos hac funere mergit acerbo.
 Vidi ego qui valido titubantia membra Lyao
 Nocte toro posuit, somnumq; petiuit amicum
 Claudere in aeternum morientia lumina somnum,
 Et nece consumptum in thalamo manè esse repertum.
 Hac etiam: sed enim numero comprehendere non est
 Quot ferat hac pestis mala, damna, pericla, labores.
 Stelligeri citius rutilantia sidera cæli,
 Et maris Ionij flauas numerabis harenas
 Omnia quam poteris percurrere damna Lyai
 Immodici: non, si lingue sint, oraq; mille,
 Et vox quæ Chalybe & ferro sit durior ipso.
 Tu tamen hanc socjg, tui ceu numen adorant,
 Nec pudor est totam potu consumere noctem,
 Aurora in roseis cum fulget lutea bigis,
 Stulta petis lectos, & quod natura labori
 Attribuit tempus, quod amat Pataneus Apollo
 Aoniusq; chorus, somno tu deside perdis.
 Non hominem cui sunt cælestia semina mentis
 Insita diuina, sed porcos vita lutosos
 Ista decet, quibus est lumen rationis ademptum.
 Es Dea: sed dudum tua facta proterua perosus
 Iupiter, æthereis eiecit sedibus, & te
 Luctantem, & contra Phlegetonta, ignesq; micantes
 Fractas obliquantem oculos, & dira rudentem
 Sulphure fumantes Cocyti trussit ad undas.
 Te chorus Eumenidum, te Cerberus odit, & Orci
 Naupita, nec stygia te vult vecitare carina.

Te quoq, qui terras habitant, odere modesti:
Nec in grata seni, nec casta grata puella.
Te nurus, & mater, iuuenis te deuouet omnis.
Nemo tuas laudes celebrauit carmine, nunquam
Cantantes excelsa vehunt ad Sydera vates
Virtutem, nomenq, tuum, famamq, secundam.
Carmine Calliope nunquam decantat inertem.
Nunquid visa fuit celebris tibi Pompa triumphi?
Ecquando populis scripsisti iura subactis?
Ecquis credentes mendaci praebeat aures?
Pauperies olim si te premet indiga, nunquis
Porriget ara tibi? nunquis te pascet egentem?
Quis comes esse tibi sapiens optaret? in omni
Consumis vitam luxu vernantibus annis,
Hinc varijs sequitur morbis onerata senectus.
Me cupidi observant superi, me seruat Olympus,
Me quoq, mortales (modò si trahat ardor honesti)
Laudant: me sine nil iustumue bonumue paratur,
Et sine me neq, sit latum neq, amabile quidquam.
Sola iuuo artifices, sum custos fida domorum:
Auxilium praesto seruis: lucunda laborum,
Horrida cum possitis mutescunt secula signis
Sum comes: armifonas nec Martis vito procellas,
Proq, focis, arisq, Deum si praelia fiunt.
Mitis amicitia per me concordia durat
Dulcior est socijs nostris Bacchusq, , Ceresq,
Non condimentis ullis, non arte paranda
Nempè fames illis, expectant comoda semper
Tempora, nec stomachum dapibus replentue granatim
Immodicis, capiunt quantum natura requirit:

Quam quibus est luxu pars optima Solis abacta
Nec lectos renuunt tepidos, & mollia strata:
Linquere, si vitæ ratio sic flagitat, & si
Munia quis præsumit, re sic cogente, requirunt,
Gesta senes iuuenum exhilarant prælustria, gaudent
Laudibus eximys grandes ætate iuuenta
Efferrî, non unquam exacti temporis illos
Pænitet, aut duros vitæ tolerasse labores.
Hos orcas timet, his fauet orbis, & altus Olympus
Quin etiam cum iam soluantur frigore membra,
Atq; in perpetuam claudantur lumina noctem,
Parte tamen meliore sui post fata supersunt.
Stat sua cuiq; Dies, omnes morientur, & illi
Qui peperere sibi nomen virtutibus, & qui
Delituere domi: hos sed cum mors sustulit, idem
Terminus est fama, fuerat qui terminus aui,
Vixit cui vitam Virtus & facta dedere
Splendida, nulla dies memoriq; hunc eximit auo.
Et tibi fiet idem magnorum magna parentum
Gloria magne puer, mea si mandata capeffes:
Ingrediere solo, & caput inter nubila condes.
Diuorum accipies vitam, te Iupiter olim
Quadryugo curru cælestibus inferet astris.
Vtq; Ioui Mariq; tibi sic vota quotannis
Argolici facient precibusq; vocabere multis.
Desinit, & teneris hinc atq; hinc blanda lac ertis
Amplexu puerum molli sonet: Annuit ille.
Lata leuem victrix niueus, secatur athera pennis:
Altera sulphureum fugit indignata sub Orcum.

F I N I S.

IN ZOILVM SAPI- ENTVLVM.

OMnia *VVEIZER* Ite carpere, Zoile, facta,
Illius & Musas rodere, rumor ait.
Se benè habet: semper petit improbus ardua liuor,
Vt rapidus perflat robora summa Notus.
At tu quicunq; es, quæ de Magno Hercule scripsit
Perlege: quod possis carpere nunquid habes?
Materiam hanc, dicis, tractârunt sapius antè
Eloquio celebres ingenioq; viri.
Esto: Sed hic numeros alios & verba reponit,
Multaq;, quorum alij non meminère, leges:
E gestis opus, exclamas, hoc nascitur: Erras,
Et mores notos non satis huius habes:
Deq; parùm notis nemo benè dixerit: huius
Luxuriam secli pingere cura fuit.
Heus tamen, Vt culpes mala, cur bona negligis? & non
Quæ Virtus referat dicta, scelestè, vides?
Rumpere, *VVEIZER* Rum nihil ista calumnia terret,
Vicit, & ecce tuo nomine maius habet.
Pessima quæq; facis, nil scribis, & omnia carpis:
Qui sis, vt dicam, Mome superbe, cupis?
Paruus es, & niger es: Vis magnus & albus haberi:
Ater & æterno tempore paruus eris.

1584

